PEDRO PUDDOCK by Matthew Fitt

Pedro Puddock bides in Fife Hasna hoppit far in life

He's sae bored it nips his lugs Catchin the same clarty bugs

Richt scunnered wi himsel yin day He lowps Loch Leven and the Tay

A happy paddy noo that he's free He turbo-skites ower the cauld North Sea

Oor puddock's in France in under an oor Where he bangs his heid aff the Eiffel Touer

Ower Europe he jouks, intae Egypt he jinks Tae he's keekin up at the stoorie auld Sphinx

Then guddles aboot in the Bay o Bengal And staps for a jam-piece at the Taj Mahal

But Pedro's puddock leggies are pure gowpin Efter aw that intercontinental lowpin